

UNIVERZITET U SARAJEVU - FILOZOFSKI FAKULTET

Na osnovu članova 106. Zakona o visokom obrazovanju ("Službene novine Kantona Sarajevo" broj: 36/22), članova 129. i 135. Statuta Univerziteta u Sarajevu (broj: 01-1093-3-1/18 od 28. 11. 2018. godine, člana 21. do 27. Pravila studiranja za treći ciklus studija na Univerzitetu u Sarajevu – doktorski studij broj: 01-1101-79-1/18 od 19.12.2018, Odluke Senata o dopuni Pravila studiranja za treći ciklus studija na Univerzitetu u Sarajevu broj: 01-3-40/19 od 30. 01. 2019. godine, Odluke Senata o izmjeni i dopuni Pravila studiranja za treći ciklus studija na Univerzitetu u Sarajevu broj: 01-32-137/19 od 30. 10. 2019. godine, Tumačenja Pravila studiranja za treći ciklus studija na Univerzitetu u Sarajevu – doktorski studij broj: 01-17-104/20 od 22. 07. 2020. godine, Odluke Senata Univerziteta u Sarajevu o saglasnosti za otvaranje trećeg ciklusa studija iz filozofije broj: 01-38/1957/10 od 14. 07. 2010. godine, Prijedloga Vijeća dokorskog studija od 15. 05. 2023. godine, Prijedloga odluke Vijeća Univerziteta u Sarajevu - Filozofskog fakulteta broj: 03-09/188 od 1. 6. 2023. godine, Odluke Senata Univerziteta o saglasnosti na raspisivanje konkursa za upis studenata trećeg ciklusa studija iz filozofije u studijskoj 2023/2024. godini broj: 01-12-23/23 od 22. 6. 2023. godine, Univerzitet u Sarajevu - Filozofski fakultet *objavljuje*

KONKURS

Za upis studenata u TREĆI CIKLUS STUDIJA – DOKTORSKI STUDIJ IZ FILOZOFIJE, FILOZOFIJA I EVROPSKI IDENTITET na Univerzitetu u Sarajevu - Filozofskom fakultetu, u studijskoj 2023/2024. godini (I upisni rok)

I

Konkurs se raspisuje za upis studenata u treći ciklus studija – doktorski studij koji se organizuje iz *filozofije* pod nazivom **Filozofija i evropski identitet**.

Studij se organizuje u trajanju od tri godine, a njegovim završetkom stiče se naučno zvanje „DOKTOR FILOZOFIJSKIH ZNANOSTI“.

II

Pravo pristupa doktorskom studiju i podnošenje prijave imaju slijedeći kandidati:

1. Kandidati koji su stekli diplomu drugog ciklusa studija iz filozofije i akademsku titulu magistra filozofije stečenu na Filozofskom fakultetu Univerziteta u Sarajevu.
2. Kandidati koji su stekli diplomu mastera iz oblasti filozofije ili drugih humanističkih i društvenih znanosti.
3. Magistiri nauka iz filozofije ili drugih humanističkih i društvenih znanosti prema predbolonjskom sistemu studiranja.
4. Kandidatima koji su stekli naučni stepen magistra po ranijem Zakonu o visokom obrazovanju, priznaje se 60 (E)CTS bodova.
5. Kandidati strani državljani prijavljuju se na konkurs pod istim uslovima kao i državljani Bosne i Hercegovine, uz uslov da dostave rješenje o priznavanju inostranih visokoškolskih kvalifikacija.

III

Uz prijavu na konkurs, kandidati su obavezni dostaviti:

1. Diplomu o završenom prethodnom obrazovanju/ Diploma sa Dodatkom diplome (original ili ovjerenu fotokopiju);
2. Uvjerenje o položenim ispitima na prethodnom studiju (original ili ovjerenu fotokopiju);
3. Rješenje o akademskom priznavanju inostranih visokoškolskih kvalifikacija koja je stečena u inostranstvu ili diplome stečene u nekoj od država bivše Jugoslavije nakon 6. 4. 1992. godine (original ili ovjerenu fotokopiju);
4. Izvod iz matične knjige rođenih (original ili ovjerenu fotokopiju);
5. Uvjerenje o državljanstvu (original ili ovjerenu fotokopiju);
6. Biografiju i bibliografiju;
7. Eventualna dosadašnja znanstvena postignuća (radove, učešće na konferencijama iz oblasti filozofije);
8. Uvjerenje o poznavanju stranog jezika (original ili ovjerenu fotokopiju)

IV

Visina školarine iznosi 4.000,00 KM po godini studija.

V

Nastava za studij će se organizovati za sve kandidate koji ostvare pravo na upis.

VI

U skladu sa članom 26c. Pravila studiranja za treći ciklus studija na Univerzitetu u Sarajevu – Doktorski studij, studenti dokorskog studija mogu studirati u punom radnom vremenu ili u dijelu radnog vremena (studij se organizira kao vanredni studij).

VII

Konkurs ostaje otvoren 15 dana od dana objavljivanja.

Prijave dostaviti putem pošte na adresu: Univerzitet u Sarajevu - Filozofski fakultet, ulica Franje Račkog br. 1, 71000 Sarajevo, sa naznakom „Prijava za upis na doktorski studij iz filozofije, *Filozofija i evropski identitet*“ u zatvorenoj koverti.

Obrazac prijave može se preuzeti sa WEB adrese Fakulteta www.ff.unsa.ba.